

SPALTER ziitig

JANUAR 2021

Hinwil

Lokal

Gugge kann es auch mit Abstand und Masken gemütlich haben



Schweiz

Dank neuem Probelokal konnte trotz Corona weiter geprobt werden



Sport

Neue Sportart entdeckt - Turnmattenplattliegen



Wetter

MORGEN

-4°



NACHMITTAG

+15°



Gefällt uns

Uns gefällt! Und Ihnen?
<https://www.facebook.com/Bachtelspalter>
Hinterlassen Sie uns Ihr „gefällt mir“!

Dank finanzieller Unterstützung hatten die Bachtelspalter eine tolle verkürzte Saison

HINWIL. Ein weiteres Jahr konnten die Bachtelspalter auf die Unterstützung von sensationellen und grosszügigen Sponsoren zählen. Die Fasnachtsaison war leider verkürzt und Anlässe, die ihre wichtigen Einnahmequellen sind wurden abgesagt. Darum konnten sie das Geld umsomehr gut gebrauchen. Die Hinwiler Gugge hat die besten Sponsoren die es gibt! Mit dieser „Spalter-Ziitig“ sagen alle Mitglieder der Bachtelspalter vielen Dank und wünschen viel Spass beim lesen!



Die Bachtelspalter haben eine neue Präsidentin

HINWIL. An der Generalversammlung vom 27. Juni 2020 wurde Corina Zangger in das Amt als Präsidentin gewählt. Die Bachtelspaltertruppe freut sich auf die Zukunft mit frischem Wind und bedankt sich bei Janine Gabriel für die Arbeit in den letzten zwei Jahren als Präsiene.



Corinna

Janine

2 neue Mitglieder!

Flo und Jarmila stellen sich exklusiv in dieser Spalter-Ziitig-Ausgabe vor! Sollten nicht alle Ihre Fragen dadurch geklärt werden, können diese bestimmt mit einem Drink an der Bar oder einer Hand voll Konfetti gleich persönlich mit dem jeweiligen Neumitglied aus der Welt geschaffen werden.

www.bachtelspalter.ch

Liebi Passivmitglieder, Sponsore, Gönner und Fründä vo de Guggenmusig Bachtelspalter

Scho wieder isch es spannends und schöns Bachtelspalterjahr verbi und s` nächschte steht vor dä Tür. S`ersti Mal i 39 Jahr ohni Fasnacht. :-| Bis jetzt händ sich zwar nonig alli Verahstalter entschiede obs ihri Fasnacht dure füered oder nöd, aber mir händ dä Entschluss gfasst, das äs das Jahr besser isch druf z verzichte. Dä einti oder ander Uftritt hetemer natürlich sehr gern gmacht, will mer ja schliesslich fliessig probet händ. D`Gsundheit geht aber vor und mir wänd au eusi Mitglieder schütze.

Jetzt holed mir das hald im 2022 nah und gäbed den wider vollgas mit Fäschtä. Denn im Jahr 2022 werded mir 40gi und natürlich gits denn es grosses Fäscht. Dank Dim finanzielle Zuestupf chönd mir en Teil vo oisem neue Jubi Kostüm finanziere.

Mir möchtet eus ganz herzlich für dini Mithilf und Unterstützig bedankä.

Wie bereits i dä Jahr devor verschicked mir die legendäri Spalter Ziitig und wünsched Eu viel Spass bim läse, lache und rätslä.

Mit musikalischä Grüess
Guggenmusig Bachtelspalter



Wer sind mir Bachtelspalter überhaupt?

Sit 1982 sind mir als Guggenmusig unterwägs. Mir sind aktuell 17 ufgstellti, lustigi, voll motivierti und mängmoll es biz dureknallti Guggemusiker.

Üs trifft mer während de Fasnacht a dä verschiedensten Maskenbäll und Umzüg. Au a andernä Aläss usserhalb vo de 5. Jahreszeit sind mir gern debi. Das wär zum Bispiel d' Hinwiler Chilbi, dä Christchindlimärt Hinwil und dä Grifäseelauf.

Gselligkeit isch eus sehr wichtig und so gönd mir näbed eusne Probä au gern mal go Bowling spielä oder Grillierä.

Jewils nach dä Summerferiä startet mir mit eusne gmeinsamä Probä, am Zistigobed im Probelokal in Hinwil, vo 20.00 Uhr bis 21.30 Uhr.

Und das isch euse Vorstand:

Antonia Odermatt
Kassiererin

Corinna Zangger
Präsidentin

Schirin Friedli
musikalische Leiterin



Jenni Feucht
Aktuarin

Pirmin Silberer
Vize-Präsident

Jahresrückblick 2020

Fasnacht 2020

Endlich isch es so wiit und die 5. Jahresziit hed gstartet. Am Samstag, 01.02.2020 hemmer oise erst Umzug mit aschlüssendem Uftritt in Oetwil am See absolviert. Nachere Pause mit Abigässe im Zentrum, simmer früsch gstärkt uf Bäretswil und hend d'Halle bebe la. Am Sunntig hemmer oise wohl verdient Ruhetag izoge. S zweite Wucheend isch scho biz strenger worde, denn dete simmer am Samstag uf Pfäffikon ZH an Kinderumzug und grad aschlüssend hemmer Kinder vom Greifensee am Umzug begleitet. Nacheme feine Znacht im Gasthaus Löwen Illnau simmer frisch gstärkt wieder uf Pfäffikon ZH und danach no uf Egg an Maskeball go spiele. Am Sunntig, bi sehr schönem Wetter, hemmer im Thurgau, gnauer gseit in Aadorf en tolle Umzug mit aschlüssendem Bühneuftritt absolviert. Und scho isch s nöchschte Wucheend vor de Tür gstande, nacheme freie Samstag Namittag, hemmer üs am Obig zum schminke troffe, damit mehr natürli au z` Buebike uf de Bühne schön usgsehnd. Am Sunntig nach wenig Schlaf, hemmer ois Ready für dä Umzug in Küssnacht am Rigi gmacht. Bi recht schönem Wetter (jedoch kei 18°C wie ageh) hemmer ois uf de relativ lang Umzug begeh. Vorem Umzug hemmer no en kurze Bühneuftritt mit aschlüssender Chüssischlacht gha.

Scho simmer wider i de Halbziit acho, was somit heisst eusi Heimfasnacht staht vor de Tür. Nach em erste Uftritt i de Platte Bubikon isch denn am 24:00 Uhr au de 2. Uftritt vo eus im Hirschesaal a de Fasnachteröffnig über Bühne. Am Samstag, wieder mal bi wunder schönem Wetter hemmer als Nummer 3 am Umzug d'Hinwiler unterhalte. Nach oisem ussä Uftritt und em Monsterkonzert heds e Verpflegig im Pirates geh. Frisch gstärkt und voller Power hemmer am 22:30 Uhr en meeega geile Uftritt anegleit! Aschlüssend heds eifach nur no Party mache gheisse! De Sunntig isch das Jahr unter chli anderem Liecht wie suscht gstande. De Murmi hed oise Part als Kinderunterhalter überno. Oisi Ufgab isch somit nur gsi all Kulinarisch zversorge und am Schluss schnell abzbaue.

Oisi schönscht Jahresziit isch ufgrund vom Coronavirus aprupt verändertet und es sind die erschte Umzüge und Maskeball abgseit worde. Mir hend ois aber nöd d'Luune verderbe la und hend am Friitig in Uster und Uetikon am See oises letschte Weekend gstartet. Am Samstag bim Umzug in Grüningen mit aschlüssendem Uftritt im Zelt, hemmer eifach alles geh! Am Schluss heisst de letschti Uftritt i dere Saison am Maskenball Rütli gnüsse und nachane Party mache als gäbs keis Morgä.



GV, Summer & Probe

Da sich de Virus länger hi zieht als mehr denkt het, isch das Jahr 2020 anderscht verlaufe als Planed.

Zerst het sich de ganz Neugugger-Träff verschobe vom März in September, wie au die aschliessend GV vom April in Juni. Also het Janine als Präsine no es Stückli länger dörfe im Voratand sitze als agno. Janine het leider ihres Amt als Präsi uf GV 2020 abgeh, sie wird eus aber witerhin erhalte blibe. A dere Stell möchte mir Dir nomal danke sege für die 2 tolle und lässige Johr mit dir als eusi Präsidentin. Also hemer a dere GV 2020 e neus Vorstandsmitglied dörfe wähle wo de dureknallti Bachtelspalterhuffä leite möcht. Zum Glück het sich über uf das Amt freiwillig gmulde gha, susch wäremmer ohni Präsident/in da gstande.

Eusi alljährliche Summerträff sind leider is Wasser gfallene, defür hemer flissig chöne Registerprobe dure führä. Bevor mehr denn im August mit de Gsamtprobe gstartet sind. Damit mer Gsamtprobe hend chöne dure führä hemmer chli Usschau ghalte nacheme grössere Probelokal. Da mehr i eusem chline Probelokal niemals hetet de Abstand chöne ihalte wo vom Bund verordnet gsi isch. I dem Sinn danke de Schrinerei Grütter Laupe für's grössere Probelokal, dur Corona Ziiit.

Juhuu es isch wieder mal de erst Samstag im September gsi und Bachtelspalter dörfed mit em Jugi zeme go Papiersammele. Das Johr hemmer wieder mal Glück gha mit em Wätter und Hinwiler hend schön brav ihri Ziiitig bündeled gha und an Strasserand gstellt. Wer mal lust het zum Ziiitig-sammele dörf sich gern bi de neue Präsidentin (Corinna) melde ;-).

Leider isch ändi September Chilbi in Hinwil und de Grifeseelauf nid dure gfühert worde und mir hend eusi freiä Wucheend im Septeber gnosse. Die einte oder andere sind mal no go s'Probelokal ufrume aber susch sind alli schön brav dihei gsi und hend am Fasnachtsafang na truuräd, wo am 11.11. leider nöd hät chöne statt finde.



Probeweekend 2020

Eigentlich hätte hier der Probeweekendbericht stehen sollen – ich hätte ihn auch schreiben wollen.

Doch Corona hat uns ein Strich durch die Rechnung gemacht – hätten wir doch gerne zusammen geprobt, gegessen und viel gelacht.

Doch nun müssen wir das intensive Proben verschieben – viel zu wichtig ist uns die Gesundheit von Freunden und Lieben.

Viele sind enttäuscht und haben es satt – leider findet auch der Fasnachtsbeginn nicht statt.

Nun möchte ich euch allen sagen – lasst euch eure gute Laune nicht verjagen.

Macht aus dieser Situation das Beste – ich bin mir sicher, irgendwann feiern wir wieder Feste.

In dem Sinne, genießt die freie Zeit – macht etwas, was euch Freude bereitet.

Alles Gute und bleibt Gesund – irgendwann läuft alles wieder Rund :-)



An dieser Stelle möchten wir uns noch bei der Schreinerei Grütter Laupen für das Zurverfügung stellen des Probelokales bedanken!

... alles, was Holz ist ...
GIRÜTTIER
SCHREINEREI | INNENAUSBAU | HOLZBAU

Chlausabend 2020

Ende November gings um 19.00 Uhr los - doch, wohin gehen wir blos?

Wir waren alle bereit - doch nur das Freizeitteam wusste Bescheid.

Vom TCS Parkplatz Girenbad liefen wir zu einem Hof - genauer gesagt, zum Bodengut Bauernhof.

Dort angekommen durften wir hinein - natürlich nur mit Maske, es soll hier nicht anders sein.

Gemütlich sassen wir nun am 4er Tisch hier - und freuten uns auf Käse, Fleisch, Wein und Bier.

Doch als es war aus mit dem Tischgrill Genuss – Da kamen wir mit einem Ratespiel in Schuss.

Die einen wussten weniger die einen etwas mehr - doch es war lustig und wir lachten alle sehr.

Nach dem Spiel gab es noch Süsses, Schnaps oder Kaffee - doch leider sagten wir schon bald Adee.

Zum Tausch brachte jeder mit, arbeitslosen Schrott – vielleicht für einen anderen einen Jackpot.

Mit einem Spiel wurde somit bestimmt - wer wessen Geschenk mit nach Hause nimmt.

Es war ein toller Abend mit viel Spass, Unterhaltung und gutem Essen - wir werden ihn so schnell nicht vergessen.



Neue Präsidentin stellt sich vor:

Ich heisse Corinna Zangger, wohne in Russikon und han am 27.06.2020 vo de Janine s Amt als Präsidentin übernoh. Ich wird versueche eus mit vollem Isatz und Elan dur die nächstä Johr z'leitä.

Ich bin 28gi und bin sit 6 Johr i dem dureknallte Huffä debi. Ufmerksam uf Bachtelspalter bini dur en Neuguggerflyer worde, also bini amene Zisti Obig ane Prob go ine luege. Sit dem Obed sind's mi leider nüme los wordä :-).



Mich kennt mehr vorallem dur Tollpatschigkeit, lache und die zuverlässigi Art. Denn sit 3 Johr mach ich euse Tourenplan und zeigt allne wos lang gaht a de Fasnacht :-).

Ihr chönnt's glaubä oder nöd, aber ich spiele erst Schlagzüüg sit ich bi eus i de Gugge bin. Mit vollem Ifer und Geduld het mehr frühner es ehemaligs Mitglied «Chuchi» (Schlagzeug) spiele bi brocht. Damit ich's am 11.11.2014 au han chönä spiele.

Denn isch de 11.11.2014 vor de Tür gstande nur leider bin ich denn a de Stöck glofe, da i churz vorher no mis Chnü einisch meh ha müesse schlissä. Dank de Caro han au ich chöne a minerä erste Fasnachtseröffnig spiele. Nach dem i Stöck im Dezember han dörfe abgeh isch also a de 5. Jahresziit nix meh im Wäg gstande, nur blöd han ich churz druf abe (gnauer gseit 2h spöter) min Fuess brochä und wieder Stöck becho. Aber nix desto trotz bin ich fit und munter am 1. Fasnachtswucheendi ohni Stöck parat gstande für die erst Saison inere Guggenmusig.

Mis Ziel mit de Bachtelspalter isch es, euse gueti Zämmehalt no biz verstärche, neu Mitglieder für dä Verein z'gwünnä, das euses Publikum Rund um eus a de Fasnacht freud hät und mir mit eusere Musig gueti Stimmig verbreite chönd. Seged das Lieder zum Mitschunklä oder sogar zum mit-singä, hauptsach jede het freud a de 5. Jahresziit zum mit eus Party fiirä.

Bi offne Froge eifach zu mir cho, bzw. frög doch es Guggemitglied wend mi nid findsch a de Fasnacht, mal luege ob die wüssäd woni bin :-).

Mit musikalischä Guggegrüäss
D'Präsine vo de Bachtelspalter

Corinna

Neumitglied Flo

Wiä heissisch dänn Du?

Ich bin de Florian Hauri

**Wiä sägäd d Lüüt Dir,
wäns Dir nöd dä richtig Namä säged?**

Mir seit mer Flo ;-)

Dis knackigä Alter isch?

bin 28gi

Als was schaffsch dänn Du?

Ich schaffe als Projektleiter inere Fänster und Tür Firma



Wiä vertribsch Du d Ziit wänn kei Fasnacht isch?

Wenn kei Fasnacht isch gang ich gern go Töff fahre und duä gern chochä

Ohni weli 5 Sachä gasch niiiiä ad Fasnacht?

Min Fasnachtsbag, Monetä, es Notfallschöttli, Konfetti und gueti Lunä

**Was hilft Dir wänn dä Samschtig unglaublich sträng gsi isch, und dä
Sunntig no stränger wird?**

Redbull und Kaffi und am beste no gmischt ;P

Wänn öper Dich suächt, wo gfindet mär Dich?

A dä Bar

Wiso isch für Dich d Fasnacht wichtig?

D Fasnacht isch mir wichtig, wills en usglich isch. I mim Job muss mer immer Seriös si, d Fasnacht und jetzt au s Trummelä, hilft mir Dampf ab z lah.

Was für än erschtä Idruck händ bi Dir d Bachtelspalter hinderlah?

Alles cooli Lüt, friedlich mit eu

Wiä beschribsch dänn Du dis Instrumänt?

S Trümeli halt

**Wänn d Bachtelspalter kei Guggä, sonder äs Auto wer, weli Markä
wäreds und wiso?**

En Bus, wills eich für jede es Plätzli git und mer Willkommä isch

**Wänn Du dä einzig begeistäräti Fasnächtler bisch, wiä überzügsch diä
andärä dasäs diä bescht Jahresziit isch?**

Ned nur drüber rede, Fasnacht muss mer erläbä.

Neumitglied Jarmila



Wiä heissisch dänn du?

Jarmila

Dis knackigä Alter isch?

14ni

Als was Schaffsch dänn Du?

Gah no id Schuäl

Wiä vertribsch du d Ziit, wänn kei Fasnacht isch?

Fuessball spielä, mit Kollege use gah

Ohni welli Sachä gasch du niia ad Fasnacht?

Kostüm, Konfetti

Was hilft dir, wänn dä Samschtig unglaublich sträng gsi isch, und dä Sunntig no stränger wird?

Am abig Entspanne

Wänn öper dich suächt, wo gfindet mä dich?

In Hombi

Wiso isch für dich d Fasnacht wichtig?

Es isch e lustigi ablenkig

Was für än erschtä Idruck, händ bi dir d Bachtelspalter hinderlah?

Cooli Gruppe

Wiä beschribsch dänn du dis Instrument?

Cool, Interessant

Wänn d Bachtelspalter kei Guggä, sondern äs Auto wer, welli Markä wereds, und wiso?

En BMW, Cool geil und de Hammer

Wänn du dä einzig Fasnächtler bisch, wiä überzügsch diä andärä das äs diä bescht Jahresziit isch?

Mit coole Musik

Spiel und Spass

britischer Schauspieler (Ben)	Nachfrage (kaufm.)	Apostel der Eskimos		Lösungsmittel			ein-stellige Zahl
grosse Sportanlage		Spion		Heilbehandlung	1		
	5						Fussballbegriff
				spanische Anrede (Herr)		Oberlauf der Limmat	
munter, aktiv			Einzel-darbie-tung	4			
weiblicher Nachkomme		3					
			französisch: dich		Abk.: Nieder-tarif		
Jetzt-Zustand		Konditor-ware					
Zeit-messer in der Küche					2		

Wie nennt man eine Blondine, die in die Steckdose greift?
Funkemariechen.

Was macht ein Fas-nachtsclown im Büro?
Faxen.

1	2	3	4	5
---	---	---	---	---

		9		8	2	4		
3		8		1				9
4					9	5		7
1	7				8	3		
	9		3		5		1	
		4	7				5	8
5		1	9					4
9				7		1		5
		7	1	5		8		

Seid ihr bereit zur fünften Jahreszeit? Ob Sonne, Schnee oder auch Regen, Fasnacht ist ein wahrer Segen, denn jeder darf ein anderer sein, der eine gross der andere klein, der eine Laut der andere Leise, mit und auch ohne Meise. Total egal hier gilt kein Mass, es geht ganz einfach nur um Spass!

Schnupfsprüche

Da die einte bi eus i de Gugge gern Schnupfed hend mir au für euse Spalter-Ziitig Läser es paar uf Lager.

Bachtelspalter Spruch:

Rundi Füess und dicki Lippe das isch Bachtelspalter-Sippä, drum nämed mir für no meh Schnuuf e gueti Priis d'Nase uf.

Guete Luft, Priis

Trumpete, Pauke und Posuune das git zäme gueti Luune. Und isch dä Uftritt dänn verbii, mues en guete Schnupf scho sii.

Priis

Ringli, Ringli, Ringli, das sind so rundi Dingli, Trämmli, Trämmli, Trämmli das riimt sich nämmli

Priis

Uri, Schwyz und Niedwaldä, Beckäried und Riimädstaldä, Schnupfä, Schnupfä das isch üses Hobby, wer nöd Schnupft de isch en Globi,

Priis



Beiträge

Mir würed eus freuä, wenn mir witerhin uf euchi Unterstützig zellä dörfad. Au wenn mir das Jahr nöd a de Fasnacht underwägs chönd sii, simer uf finanzielli Hilf ahgwiese. Mer händ scho uf d'Chilbi, dä Griifeseelauf und dä Christchindimärt als Ilnahmequelle müese verzichte, da simer umso meh froh um euche finanzielli Bitrag zu eusem Vereinsläbe.

Passivmitglied: Fr. 30.00

Passivmitglieder bechömed jährlich ei Spalter-Ziitig

Gönner: ab Fr. 50.00

Gönner bechömed jährlich ei Spalter-Ziitig und ein Flammchuächä-Gutschii für d'Hinwiler Chilbi und dä Christchindimärt.

Für Euä Biitrag und Euchi Unterstützig danken mir Eu schon jetzt!

Euchi Bachtelspalter






Meh Bilder gits uf www.bachtelspalter.ch

Lösungen von Spiel und Spass

			E		A	N	
K	I	N	G	S	L	E	Y
	N		E		K	U	R
S	T	A	D	I	O	N	
R	E	G	E		H		K
	R	E		S	O	L	O
	E	N	K	E	L	I	N
I	S	T		N		N	T
	S		T	O	R	T	E
	E	I	E	R	U	H	R

7	6	9	5	8	2	4	3	1
3	5	8	4	1	7	2	6	9
4	1	2	6	3	9	5	8	7
1	7	5	2	9	8	3	4	6
8	9	6	3	4	5	7	1	2
2	3	4	7	6	1	9	5	8
5	8	1	9	2	3	6	7	4
9	4	3	8	7	6	1	2	5
6	2	7	1	5	4	8	9	3

KUNST

 Guggemusig
 Bachtelspalter
 Hinwil

Guggemusig Bachtelspalter
Postfach 129
8340 Hinwil

www.bachtelspalter.ch
info@bachtelspalter.ch